

ընտրական թեզերունքով: Նաւահանգիստը յանձնուում է անգլիացիներին, որպէս զինուորական բազա եւ ամուլի կայան Սեւ ծովի վերայ»:

Գեղեչկորին աւելացնում է, թէ՛ «այս առաջարկներին մեզ պատասխանեցին, թէ սկզբունքով ընդունելի են, բայց որոշ պատասխան մինչեւ այժմս էլ չունինք»:

Այս փաստաթուղթը ինքնին արդէն այնքան պերճախօս է, որ հազիւ թէ պէտք զգացուի որեւէ բան աւելացնելու: Երբ գրաւող զինուորական ուժերի ճնշման տակ մարդիկ ստիպուած են այս կամ այն քայլը անել, այդ դեռ կարելի է հասկանալ եւ հանդուրժել՝ նկատելով, թէ պատերազմական վիճակ է: Բայց յօժար կամքով սեփական գլխաւոր նաւահանգիստը տալ օտար պետութեան, ուրիշ խօսքով, թոյլ տալ, որ Բաթումը փաստօրէն անցնի անգլիացիների ձեռքը — անկախ պետութիւն է սա: Իրաւունք չունինք բոլշեւիկները հեղնելու մենչեւիկեան անկախութիւնը: Իրաւունք չունինք Յիսակայաներն ու Օրախելաչիլիները ասել, որ մենչեւիկեան Վրաստանը աւելի անկախ չէր, քան Խորհրդային Վրաստանը:

Հին, աւանդական քաղաքականութիւն է այս վրացիների համար, դժբախտաբար: Անգլիացիներից առաջ նոյն ձեւով էլ վարւում էին գերմանացիների հետ, միշտ էլ մոռանալով, որ Բաթումի հարցը զուտ վրացական հարց չէ. նա մեծապէս շահագրգռում է եւ Անդրկովկասեան միւս հանրապետութիւններին, մանաւանդ Ազրբէջանին. ինչպէ՞ս կարելի է մինակ, դադանի կերպով կարգադրել այդ հարցը, առանց ի նկատի ունենալու եւ հարեւանների կարծիքները:

Յօդուածս երկարեց, մինչդեռ տակաւին հետաքրքրական բաներ շատ կան վրաց գործիչների թղթերի մէջ: Չափազանց բնորոշ է եւ Ժորտանիայի խօսակցութիւնը զօր. Գորիի հետ 1919 թ. մայիս 13-ին: Անգլիացիք ռազմամթերք ու թնդանօթներ են հանել Կարսից եւ ուղարկում են հիւսիս: Վրացիք բռնել են դրնացքը եւ վրաց չեն թողնում: Զօր. Գորիի բողոքում է դրա դէմ: Ժորտանիան յուզուած պատասխանում է.

«Այդ ռազմամթերքը Կարսից է դալիս. օ-

րինակներ են եղել եւ առաջ, որ բրիտանական հրամանատարութիւնը նման դնացքներ է ուղարկել այնտեղից, եւ այն ժամանակ Վրաստանի կառավարութիւնը բաց է թողել, բայց այժմ, երբ Վրաստանը պատերազմի մէջ է զօր. Դենիկինի բանակի հետ, նման երեւոյթը անպայման անթոյլատրելի է»:

Զօր. Գորիին յայտնում է, որ ռազմամթերքը ուղարկւում է ոչ թէ Դենիկինին, այլ Անդրկասպեան երկիր՝ բոլշեւիկները դէմ կրող թուրքմէններին եւ սպառնում է վրաց կառավարութեան քայլի մասին հեռագրել Պոլիս՝ զօր. Միլին:

Ժորտանիան կակղում է, յետ է առնում հրամանը եւ խոստանում է ազատ թողնել դրնացքը:

«Զօր. Գորիին հարցնում է, թէ առաջին անգամն են պահւում անգլիական վազոնները: ԺՈՐՏԱՆԻԱ. Այո՛:

ԶՕՐ. ԳՈՐԻ. Եւ վերջին:

ԺՈՐՏԱՆԻԱ. Կը յուսամ:

ԶՕՐ. ԳՈՐԻ. Ոչ թէ կը յուսամ, այլ՝ անպայման»:

Ու այս վերաւորանքը կուլ տալուց յետոյ, Ժորտանիան քծնելով յիշեցնում է Գորիին, թէ «զօր. Թոմսընը խոստացել էր տալ վրաց կառավարութեան Կարսում մնացած փամփուշտների մի մասը»:

Ասել է՝ վրացիները խնդրել են անգլիացիներից, որ Կարսի, այսինքն՝ Հայաստանի փամփուշտի մի մասը իրենց տրուի, եւ այդ այն ժամանակ, երբ յօժար կամքով Վրաստանից մի հատիկ ասեղ իսկ չէին թողնում դէպի Հայաստան:

Նոյն խօսակցութեան ժամանակ, զօր. Գորիին յայտնում է, որ իր ստացած տեղեկութիւններով Արտահանից հեռացող վրաց զօրքերը լաւ չեն պահւում իրենց. «Օրինակներ են եղել, որ զօրքերը հեռանալիս՝ տարել են իրենց հետ քնակիչների տաւարը... Բացի այդ, Բաթումի ընդհանուր-նահանգապետ Քուք-Քոլիսը դէմ է, որ Արտահանում վրաց 50 հոգինոց զօրամաս պահուի: Այնտեղ զնում են բրիտանական ուժեր, եւ նրանց տեղ հասնելուց յետոյ վրացիները պէտք է հեռանան Արտահանից»:

Ժորտանիան զարմանում է. չէ՞ որ խոս-